

第十四册

卷三十四 畧 第一

政畧 一 統轄 知府 佐貳師儒

卷三十五 畧 第二

政畧 二 知縣 佐貳師儒 武畧

常德府志

卷

目錄第十四册

政畧

常德在三代爲荊州域於周爲南國楚之江南地也漢世羣蠻數叛漸次廓清民以寧居厥後撫育字勞乃稱良有司矣輒依世次編政蹟之可考者著於篇

統轄 漢

馬援字文淵扶風茂陵人建武二十四年遣武威將軍劉尙擊武陵蠻夷深入軍沒援因請行時年六十二帝愍其老未許援曰臣尙能披甲上馬帝令試之援據鞍顧盼以示可用帝笑曰矍鑠哉是翁也遂遣援率中郎將馬武耿舒

常德府志

卷三十四

政畧統轄

一

劉匡孫永等將十二郡募士及弛刑四萬餘人征五溪明年春軍至臨鄉遇賊攻縣援迎擊破之斬獲二千餘人皆散走初軍次下雋有兩道可入從壺頭則路近而水險從充則塗夷而運遠帝初以爲疑及軍至耿舒欲從充道援以爲棄日費糧不如進壺頭搯其喉咽充賊自破以事上之帝從援策三月進營壺頭賊乘高守隘水疾舩不得上會暑甚士卒多疫死援亦中病遂困乃穿岩爲室以避炎氣帝乃使虎賁中郎將梁松乘驛責問援代監軍初援在交趾常餌薏苡實用能輕身省慾以勝瘴氣援欲以爲種軍還載之一車及卒後有上書譖之者以爲前所載還皆

明珠文犀援妻子詣闕請罪帝出松書示之方知所坐建

初三年追謚忠成侯

後漢書

馬武字子張南陽湖陽人建武二十五年以中郎將將兵擊

武陵蠻夷

後漢書

宋均字叔庠南陽安眾人建武時初爲五官中郎將後爲謁者會武陵蠻反圍武威將軍劉尙詔均乘傳發江夏奔命三千人往救之既至而尙已沒會馬援至詔因令均監軍與諸將俱進賊拒扼不前及援卒於師軍士多溫濕疾病死者大半乃與諸將議曰今道遠士病不可以戰欲權承制降之何如諸將皆伏地莫敢應均曰夫忠臣出境有可

常德府志

卷三十四

政畧統轄

二

以安國家專之可也乃矯制調伏波司馬呂种守沅陵長命奉詔書入虜營告以恩信勒兵隨其後蠻夷震怖卽共斬其大帥而降入賊營散其眾遣歸本郡爲置長吏而還均未至先自劾矯制之罪光武嘉其功迎賜以金帛令過家上塚其後每有四方異議數訪問焉

後漢書何焯曰按黨錮傳注引謝

承書云宗資字叔都南陽安眾人家代爲漢將相名臣祖父均自有傳則宋字傳寫誤也南蠻傳中叙受降事正作謁者完均此卽見於本書可參校者

馮緄字鴻卿巴郡宕渠人緄少學春秋司馬兵法延熹五年長沙蠻寇益陽零陵賊應之武陵蠻夷悉反寇掠江陵間拜緄爲車騎將軍將兵十餘萬討之時天下饑饉前後所

□將帥宦官輒陷以折耗軍資往往抵罪緝性烈直不行  
賄賂懼爲所中願請中常侍一人監軍至長沙賊聞悉詣  
營道乞降進擊武陵蠻夷斬首四千餘級受降十餘萬人  
荊州平定詔賜錢一億固辭不受後漢書

按馬伏波以下四人皆屬征行與郡宦無涉然列祀名  
宦已久伏波將軍又隨在有專祠今仍舊志載弁統轄  
三國

諸葛亮字孔明琅邪陽都人先主收江南以亮爲軍師中郎  
將使督零陵桂陽長沙三郡調其賦稅以充軍實建安十  
六年亮與關羽鎮荊州三國志沅江有臥龍墨池遺跡按舊志亮嘗過

常德府志

卷三十四

政畧統轄

三

忠義關子河東解人先主西定益州拜公董督荊州事

三國志

吳志甘寧隨魯肅鎮益陽拒關羽羽號有三萬人自擇選  
銳士五千人投縣上流十餘里淺瀨云欲夜涉渡肅與諸  
將議寧時有三百兵乃曰可復以五百人益吾吾往對之  
保羽聞吾欬唾不敢涉水涉水卽是吾禽肅便選千兵益  
寧寧乃夜往羽聞之住不渡而結柴營今遂名此處爲關

羽瀨

按吳志時長沙屬吳武陵屬蜀故關公拒寧於此

晉

應詹字思遠汝南南頓人督南平天門武陵三郡軍事□□  
令不一諸蠻謀叛詹召蠻酋破銅券與盟由□□□□□

無虞後天下大亂詹境獨全

童書

梁

蕭秀字彥達文帝第七子安成王也天監中遷荊州刺史加都督荊州嘗苦旱秀責躬親祈楚望俄而雨降遂獲有年又武陵太守爲弟所殺誣以爲反秀察其奸□望風首欵人謂之神後爲郢州刺史加都督

南史安成王傳

五代周

周行逢

見列傳

宋

李綱字伯紀邵武人政和二年進士第紹興二年除觀文殿

常德府志

卷三十四

政畧統轄

四

學士湖廣宣撫使兼知潭州時荆湖江湘之間流民潰卒羣聚爲盜賊多者數萬人綱悉蕩平之上言荆湖國之上流其地數千里諸葛亮謂之用武之國如鼎澧鄂岳若荆南一帶皆當屯宿重兵倚爲形勢

宋史

岳飛字鵬舉湯陰人紹興二年知潭州兼權荆湖東路安撫都總管又除荆湖南北襄陽路置制使神武後軍都統制命招捕楊么賊黨黃佐曰岳節使號令如山若與之戰萬無生理不如往降時張浚以都督軍事至潭飛袖小圖示浚浚欲俟來年議之飛曰已有定畫八日之內當俘諸酋遂如鼎州黃佐招楊欽來降飛喜曰楊欽驍悍既降賊腹

心潰矣表授欽武義大夫禮遇甚厚乃復遣歸湖中兩日  
欽說余端劉銑等降飛詭罵曰賊不盡降何來也杖之復  
令入湖是夜掩賊營降其眾數萬么負固不服方浮舟湖  
中以輪激水其行如飛旁置撞竿官舟迎之輒碎飛伐君  
山木爲巨筏塞諸港汊又以腐本亂草浮上流而下擇水  
淺處遣善罵者挑之且行且罵賊怒來追則草木壅積舟  
輪礙不能行飛急遣兵擊之賊奔港中爲筏所拒官兵乘  
筏張牛革以蔽矢石舉巨木撞其舟舟盡壞楊么投水中  
牛臯斬之飛入賊壘餘酋驚曰何神也俱降飛親行諸砦  
撫慰之縱老弱歸田籍少壯爲軍果八日而平張浚嘆曰

常德府志

卷三十四

政畧統轄

五

岳侯神算也

宋史者除是飛來至是人以爲識初賊恃其險曰欲犯我

張孝祥字安國歷陽烏江人十六領鄉書紹興二十四年廷  
試第一知潭州爲政簡易時以威濟之湖南遂以無事復  
待制徙知荆南湖北安撫使築守金隄自是荊州無木患  
置萬盈倉以儲諸漕之運宋史

董槐字庭植定遠人嘉定進士嘉熙元年提點湖北刑獄常  
德軍亂夜縱火而諫守尉不出槐騎從數人於火所問亂  
故亂者曰將軍馬彥直奪吾歲請吾屬將責之償不爲亂  
也槐坐馬上召彥直斬馬前亂者還入伍中明日乃捕首  
亂者七人戮諸市而賻彥直之家二年兼權知常德府尋

兼軍器少監依舊提點刑獄史宋史

元

蘓天爵字伯修真定人至順二年擢江南行臺監察御史明年慮囚於湖北湖北地僻遠民獠所雜居天爵冒瘴毒遍歷其地每事必究心雖盛暑猶夜篝燈治文書無倦常德民盧甲莫乙同出傭而甲誤墮水死甲有弟爲僧者欲私甲妻不得訴甲妻與乙通而殺其夫乙不能明遂誣服八年不決天爵至爲辨其冤釋之元史

立智理威大德三年以參知政事爲湖南宣慰使繼改荆湖荆湖多弊政公田爲甚威問民所不便凡十數事上於朝

常德府志

卷三十四

政畧統轄

六

而言公田尤切朝議遣使理之民力少蘇後湖廣歲織幣上供多爲奸利乃竝不遣使工不告病歲省費數萬貫元史

察罕  
傳

哈喇延祐間拜郡監時兵燹之後建置殘缺喇果於有爲興舉廢墜修學宮砌石櫃以民艱輸運浚北門外便河至潛水橋約十五里郡人謠曰哈喇開便河恩多怨亦多百年千載後恩在怨消磨統志參

胡祇遼字紹聞磁州武安人至元中爲荆湖北道宣慰副使有佃民訴其田主謀爲不軌者祇遼察其冤坐告者元史列傳

按祇遼有題龍陽李徵君  
招隱圖詩首見文徵君

明

印灝成化五年以分守副使攝巡道事重興常德武陵桃源  
三學寬仁厚德至今頌之志舊

劉之龍萬歷間任分巡湖北參議築修各堤以禦水患奏免

水鄉逋糧千石志舊

馮子京浙江錢塘人以進士分巡湖北僉事釐別軍餉奏捐

荒糧建生祠東關外志舊

張詩山東濟南人天啟間任分巡湖北副使丰采嚴峻聽斷

精明捐俸買田收租以備諸生月課之費志舊

黃公輔廣東人以直指任分巡湖北參議清介安靜深得大

常德府志

卷三十四

政畧統轄

七

體志舊

秦金字國聲無錫入孝宗時進士巡撫湖廣諸王府所據山  
場湖蕩皆奏還之官降盜賀璋羅大洪復叛討平之史明

陳瑾字白岳南寧人崇禎間任分巡湖北參議克竣城工有

奸人凌虐孤寡嚴法懲之人競傳頌志舊

董其昌字元宰華亭人官學政衡文一目數行下部試至常

德捐俸修學建鼎文閣作興士類至今傳誦通志參

何騰蛟字雲從貴州黎平衛人崇禎中福王命加騰蛟兵部

右侍郎兼撫湖南總督湖廣四川雲南貴州廣西軍務順

治二年自成將李錦高必正擁眾數十萬逼常德騰蛟令

允錫撫降之適 大兵至長沙盧鼎時守衡州而先璧兵  
突至鼎不能抗遂挾騰蛟走祁陽又間道走辰州騰蛟脫  
還順治五年馬進忠取常德李赤心軍自夔州至令進忠  
讓常德與之進忠大怒盡驅居民出城焚廬舍走 大兵  
遣將徐勇勸騰蛟降騰蛟大叱勇遂擁之去絕食七日乃  
殺之永明王聞之哀悼賜祭 明史參

國朝

陳士本字頡仙江南武進人貢士順治十七年分巡湖北道  
性節儉和易清丈田畝務使荒熟均平數郡俱免賠累之  
擾督修堤坊躬行阡陌以勞卒於官工篆書邑人珍藏其

常德府志

卷三十四

政畧統轄

八

跡囊無一錢家屬流寓武陵淺葬善德山

通志參  
德山志

蔡毓榮奉天錦縣人康熙十二年癸丑以都御史總督湖廣  
軍務是年吳三桂叛於雲南

詔荊州乃咽喉要地調 大兵鎮守兼進駐常德以遏賊勢三  
桂傳檄入楚由辰沅北馳明年遂踞有湖南六郡二州毓  
榮馳疏以聞

詔毓榮協勦湖南三桂死十八年十二月加綏遠將軍進定雲  
貴賊退據辰龍關關最高險僅通一騎毓榮與大將軍貝  
子章泰領大軍駐太平舖撫綏難民督健卒連攻破之 張

參府志

趙申喬武進人康熙四十五年任湖南巡撫常德大圍堤武陵高磧村康熙十四年洪水陡發衝破歷年修築無資申喬下車隨飭府縣設立堤總長按田出夫卽照夫派土稱均平堤工告竣民蒙其利他惠政甚多祀名宦通志叅實政錄

李發甲字瀛仙雲南河陽人康熙五十五年巡撫湖南釐奸別蠹吏治肅然念洞庭重湖之險士子艱於鄉試每有性命之虞兩疏懇請分闈捐俸勅立貢院既不果行乃改爲湖湘書院迨雍正癸卯分闈

命甫下而貢院已有成規事遂得行皆發甲先事之力以勞瘁卒於官祀名宦通志 以上統轄

常德府志

卷三十四

政畧統轄

九

知府

佐貳師儒附

後漢

李進永和元年冬澧中瀘中蠻爭貢布非舊約舉種叛明年寇夷道遣武陵太守李進討破之斬首數百級餘皆降服進乃簡選良吏得其情進在郡九年梁太后臨朝詔增秩二千石賜錢二十萬後漢書南蠻傳

應奉字世叔汝南南頓人父郴爲武陵太守生奉少聰明自爲兒童及長凡所經歷莫不暗記讀書五行並下嘗爲郡決曹史行部二十四縣錄囚徒數百千人及還太守備問奉日說罪繫姓名坐狀輕重無所遺脫時人竒之先是武

陵蠻會詹山等叛永興元年拜武陵太守到官慰納山等  
悉降散於是興學校舉側陋政稱變俗坐公事免延熹中  
蠻復寇亂荊州車騎將軍馮緄以奉有威恩爲蠻所服上  
請與俱征拜從事中郎奉勤設方畧賊破軍罷緄推功於  
奉薦爲司隸校尉

後漢書

陳奉延熹中武陵太守六年武陵蠻攻郡奉率吏人擊破之  
斬首三千餘級降者三千餘人

南蠻傳

陸康字季康吳郡吳人續之孫光和元年遷武陵太守轉守  
桂陽樂安二郡所在稱之時靈帝欲鑄銅人詔調民田畝  
斂十錢康上疏曰什一而稅周謂之徹魯宣稅畝而蠲災

常德府志

卷三十四

政畧知府佐貳附十

自生哀公增賦而孔子非之豈有聚奪民物以營無用之  
銅人捐捨聖戒有蹈亡王之法書奏內倖因此譖康徵詣

廷尉免歸

後漢書

三國

黃蓋字公覆零陵人拜武鋒中郎將武陵蠻夷反亂攻守城  
邑乃以蓋領太守時郡兵才五百人自以不敵因開城門  
賊半入乃擊之斬首數百餘皆奔走盡歸邑落誅討魁帥  
附從者赦之自春訖夏寇亂盡平諸幽邃巴醴由誕邑侯  
君長皆改操易節奉禮請見郡境遂清

吳志

鍾離牧字子幹會稽山陰人永安六年蜀併於魏武陵五溪

夷與蜀接界時論懼其叛亂乃以牧爲平魏將軍領武陵太守往之郡魏遣郭純試守武陵太守率涪陵民入蜀遷陵界屯於赤沙誘致諸夷邑君或起應純又進攻酉陽縣郡中震懼牧問朝吏曰西蜀傾覆邊境見侵何以禦之皆對曰可遣恩信吏宣教慰勞牧曰不然外境內侵誑誘人民當及其根<sub>疒</sub>未深而撲取之此救火貴速之勢也卽率所領晨夜進道緣山險行垂二千里從塞上斬魁帥百餘人及其支黨凡千餘級純等散五溪平

吳志

六朝

蕭嶷字宣嚴高帝第二子仕宋爲尙書左戶郎錢塘令後爲

常德府志

卷三十四

政畧知府

十一

武陵內史時沈攸之賤伐荊州界內諸蠻遂反五溪禁斷魚鹽羣蠻怨怒酉溪蠻王田頭擬殺攸之使攸之責賧千萬頭擬輸五百萬發氣死其弟婁侯篡立頭擬子田都走入獠中於是蠻部大亂抄掠至都城下嶷遣隊主張英兒擊破之田都自獠中請立而婁侯亦歸附嶷誅婁侯於郡

獄命田都繼其父蠻眾乃安

南齊書

劉俊字士操彭城人遷武陵內史郡南江古堤久廢不緝俊修治未畢而江水忽至百姓棄役奔走俊親率勵之於是

□立漢壽人邵榮興六世同爨表其閭閻俊□□□□□

善於流俗蠻王田僮在山中年垂百餘歲□□□□□□□

荊州僮出謁至是又出謁俊明帝崩表奔赴敕帶郡還都  
吏民送者數千人俊人人執手係以涕泣百姓感之南齊書

張緬為武陵太守母劉氏以父沒家貧葬禮有闕遂終身不

居正室不隨子入官府緬在郡所得俸祿不敢用乃至妻

子不易衣裳及還都並供其母賑遺親屬一朝隨盡緬私

常閔然如貧素者南史張緬傳

隋

喬南陀朗州刺史修純紀陵民享其利一統志

唐

胡處立光宅中朗州刺史軫念民困修理廢滯開永泰渠以

常德府志 卷三十四 政畧知府 十二

通漕郡人便之一統志

李璡開元二十七年朗州刺史注意農事修古葺陂溉田利

溥又修永泰渠可灌千餘頃因名曰潤禾堰一統志

崔嗣業聖歷中朗州刺史開津石陂及槎陂又以放鶴陂為

豪家所併清而復之因名崔陂一統志

韓□□京兆萬年人大歷五年朗州刺史復治槎陂一統志

李翱字習之隴西趙郡人後魏尚書左僕射冲十世孫中進

士第憲宗朝為考功郎長慶元年拜朗州刺史政在惠民

嘗開浚故漢樊陂灌田千一百頃因名考功堰又修津石

陂以終崔嗣業之功唐書

溫造字簡與并州祈人穆宗寶歷元年爲朗州刺史開後鄉

渠百里漑田二千頃民獲其利號右史渠召授侍御史唐書

溫大雅傳

張璪字文通丹青之事抱不世絕儔之妙居長安中好事者卿相大臣旣迫精誠乃持權衡尺度之跡輸在貴室他人不得誣妄而覩者也居無何謫官爲武陵郡司馬官閒無事士君子往往獲其寶焉唐符載觀張員外畫松石序

劉禹錫字夢得自言系出中山世爲儒擢進士第登博學宏儒□爲監察御史時王叔文得幸禹錫與交憲宗立叔文等敗禹錫斥朗州司馬州接夜郎諸夷風俗陋甚家喜巫

常德府志

卷三十四

政畧知府

十三

鬼每祠歌竹枝鼓吹衰回其聲傖儻禹錫謂屈原居沅湘間作九歌使楚人以迎送神乃倚其聲作竹枝詞十餘篇於是武陵夷俚悉歌之宰相哀其才召還出爲播州刺史易連州又徙夔州移和州入爲主客郎申加檢校禮部尙

唐書

按禹錫竹枝詞自序言屈原居沅湘間作九歌余亦作竹枝九篇乃其刺夔州時所作也故詞中如白帝城頭春草生白鹽山下蜀江清瀼西春水縠紋生城西門前灩澦堆等句實言蜀巾地名無一語及武陵者其非在朗州所作無疑唐書以彼序中引屈原事遂謂詩亦作

於朗州誤矣

宋

薛居正字子平浚儀人建隆三年拜樞密直學士湖湘初平以居正刺朗州會亡卒數千人聚山澤爲盜監使疑城中僧千餘人皆其黨欲盡捕誅之居正以計緩其事因率衆剪滅羣寇擒賊帥汪端訊之僧皆不預賴以全活宋史

師鳩字霄遠內黃人少篤學與兄頌齊名建隆二年進士竇儀興貢舉擢上第累官侍御史自濱睂二州移朗州超拜工部郎中頡曠達夷雅搢紳多慕其操尙宋史

張鑑字德明瀛州團練使英藏之孫太平興國三年擢進士

常德府志

卷三十四

政畧知府

十四

第咸平初改工部侍郎三年移知朗州時溪洞羣蠻數寇擾鑑召酋豪諭以恩信皆俯伏以聽命宋史

程昌寓高宗時直龍圖閣建炎四年知鼎州兼鼎澧鎮撫使湖賊楊么來攻境內騷動昌寓傳檄二州以蔡兵禦之賊勢稍卻人始帖席後爲立廟曰忠祐明統志

凌景夏字季文餘杭人紹興中知鼎州奏放免程景寓所增蔡州兵衣糧六萬四千餘緡詔減四分之一統志

王銖紹興元年知府事言沿邊城砦之官餼廩旣薄給不以時孤寒小吏從而徇私受賄弓手土軍戍卒傭值糧食累月不支迫於饑寒侵漁蠻獠往往激變乞嚴勅州軍按口

廩給如其未支守倅卽不得先請己俸俾城砦官兵有以存濟安邊彌盜莫良於此

一統志

李燾字仁甫丹稜人唐宗室曹王之後知常德府初正和末澧沅辰靖四州置營田刀弩手募人開邊范世雄等附會擾民建爰罷之乾道間有建請復置者燾前爲湖北轉運副使奏不當復已而提刑尹機迫郡縣行之田不能給燾至是又申言之請度田立額且約帥臣張栻列奏詔從之境多茶園異時禁切商賈率至交兵燾曰官捕茶賊豈禁茶商聽其自如訖無警累

宋史

劉邦翰乾道八年知鼎州言江北之民困於酒坊至貧之家

常德府志

卷三十四

政畧知府

十五

不捐萬錢不能舉一吉凶之禮乃檢乾道重修勅令申嚴

抑賣之禁

一統志

趙善佐字佑卿宋宗室先居邵武試有司連中授將樂丞寧宗朝知常德奉法愛民以勤儉自約飭不妄費公帑干請無所應受學張敬夫又從朱晦翁遊著易疑問荅

姓譜

曹彥約字簡甫都昌人淳熙八年進士嘗從晦翁講學寶慶中授兵部尙書力辭不拜改寶章閣學士知常德府陞□言下情未通橫斂未革帝曰其病安在對曰臺諫專言人主不及時政下情安得通苞苴公行於都城則州縣橫□無可疑者卒以華文閣學士致仕

宋史

□甲儒龍陽人寶歷進士理宗時知本府事善□及民□文  
學厚士風嘗謂士精神內固則文有定兒志氣外鬯□□  
有定力以江南籍沒田一區爲貢士庄凡貢士過省者取  
給□□□□□□以傳久遠姓譜參舊志  
□□□□□□義擊戚畹之貴寵者咸淳五年知常德府  
□□□□□□測賦大修學校以風士類歲旱禱雨霖隨車  
至□□

桂萬榮四明人理宗朝以朝散大夫直寶章閣出知常德府  
盡心民事尤精刑獄纂棠陰比事編明都御史吳訥謂其  
敷歷三十年終於是郡仁厚之澤施於後人舊志

常德府志

卷三十四

政畧知府

十六

劉愿博學負重名登宣和進士倅鼎州廉介有爲時多盜賊  
愿寬民力備禦有方在郡盜戢民安舊志

孔延之守長源新淦人

通志作新喻人

先聖四十六世孫登慶歷進

士遷司封郎中爲荆湖北轉運使罷荆湘戍寨十餘所□  
州得免徭役舊志通

張運字南志信□貴溪人唐宰相文瓘之後登宣和進士紹  
興五年通判鼎州賊楊么黃誠擁衆數萬殘破城邑跳□  
湖北高宗遣張浚以都督董師岳飛以招討舉兵擊之賊  
率輕銳徑趨武溪以臨鼎州運與太守程昌寓勒兵登□  
控扼上下以張其勢賊宵潰澧賊□德進□□□□□

運討之運將都統梁吉等直搗其巢破四十二柵降其衆  
時方駐兵淮壩以拒金人饋餉未嘗乏絕宋史

王樞字政榮號東谷豐城人紹興十五年進士邃於春秋爲  
鼎州丞會茶寇騷擾道路不通有欲焚山絕茶或官自便  
賣者樞建議爲長短引以便負販至今賴之太守李燾以  
從班行郡事雅相欽重府事悉咨焉終本府通判一統志

周必大字子充廬陵人登進士第監臨安和劑局失火免官  
歸中博學宏詞科試館職兼國史院編修除翰林學士制  
命溫雅爲一時冠嘗判鼎州純篤忠厚政務大體舊志

按宋史周必大傳紹熙初爲何澹所劾除觀文殿學士

常德府志

卷三十四

政畧佐貳

十七

判潭州無判鼎州之文今郡陽山德山俱有平園詩德  
山志詩在乾明寺後□□熙壬子重陽日已剝落不  
全而筆力遒勁似顏魯公郡人利石是平園固嘗至鼎  
州也姑仍舊志載之

魏了翁字邛父蒲江人以集英殿修撰知常德府越二日諫  
議大夫朱端常遂□了翁詔降靖州居住湖湘江浙之士  
不遠千里負書從學紹定五年

蔡元定字季通建寧人師事朱子嘗刊朱子手書說卦三節  
八碑在常德府學明倫堂東壁原係元定爲府教授時攜

至者

舊志詳見金石考

按舊學校志明倫堂東壁刊朱子舊說卦傳謂元定□  
常德教授時所刊者考宋史本傳無教授常德之文□  
朱子此書學校多有摹刻之者皆謂元定刻於常德府  
學疑別有據史失載也

林文仲字次章撫州人淳熙進士任鼎州司法刺史李燾稱  
其性行良實職守靖共薦于朝陳孔碩復稱其政事確實  
如桑麻菽粟時權奸用事文仲曰吾寧不得奸官終不少

屈舊志

劉子薦江西安福人以父夢驥任爲湘鄉尉有獲盜功調撫  
州後判常德以廉靜著通志

常德府志

卷三十四

政畧知府

十八

尹穀字耕叟潭州長沙人爲常德府推官廉正有聲宋史

張斛字德容漁陽人仕宋爲武陵守金初理索北歸官秘書

省著作郎文筆字畫皆有前輩風調

中州集晁氏讀書誌皇朝王若谷以秘

閣法帖合潭絳臨江北海諸帖參校有無補其遺逸成是書鼎守張斛刻之石

元

李秉彝字仲常大都通州潞縣人由湖州總管徙常德沚江  
泛溢立堤匱以制湍浪民免墊溺官種柑橘五百株以代  
民貢歲歉黜同僚議不俟命開倉救饑者武陵入立碑以

頌遺愛

閑邪公家傳按通志引宋史載李秉彝常德人爲本府太守考朱史無秉彝傳或誤以元爲宋也

何琦宛平人以總管統□軍鎮常德持法嚴平四境安堵人懷

其惠舊志

別的因蠻部人至元十六年進宣威將軍常德路副達魯花赤會同知李明秀作亂請以單騎往招之直抵賊壘諭以朝廷恩德使爲自新計明秀素畏服遂與俱來別的因聞于朝明秀伏誅賊遂平元史

倪德政字正之號鳳山江南蘓州人至元丁丑以常路總管兼尹府事旌善懲惡好士愛民時常武初定人心未安至則揭赦書十四條諭之省司令造戰艦三百餘艘仍運餉十餘萬斛於中灤德政以皆郡家事且省府有材委官吏輦材於產所造舟如數而私募巨賈艘以運餉在郡六年

常德府志

卷三十四

政畧知府

十九

恩惠淪洽旣去郡人立遺愛碑舊志

苗益知龍陽州洞寇侵掠歲且饑饉益請於朝以所受宣命

貸鈔三十餘錠賑之遂陞常德總官姓譜

明

馬汝舟武陵人元末兵起汝舟團聚鄉兵以爲保障明初知天命有歸率衆歸附時總兵徐丞相就令掌管府事汝舟開創郡治修建公宇收戢流亡教耕稼時爲之勸課且令民間俊秀讀誦習文事草昧之初民獲安堵明史

張子俊字傑夫洪武初知府事勸課農桑興學校延師選民間俊秀教育之舉行鄉飲酒禮致敬耆年以勵風化□□

關尊德作燕賢詩序美之楚紀

應履平浙江奉化人洪武庚申進士永樂中知常德府事□  
心愛民事有不便輒除之郡舊例每歲輸麥征斂甚艱□  
平以地不宜麥奏代以米郡人稱便注意學校人士蔚起  
以政績超著陞雲南布政使楚紀

朱縉餘姚人正統己丑進士景泰間以監察御史知府事不  
事武健均徭役薄賦稅在任六年清苦特甚民愛之如父  
母以疾終於官士民流涕送櫬者千餘人舊志

孫確東平人天順五年知府事莊介自持遇賢者忘勢禮之  
士夫翕然稱頌舊志

常德府志

卷三十四

政畧知府

二十

楊宣江西樂安人景泰甲戌進士初任吏部主事成化二年  
知府事才識明達時公署學校率皆圯廢宣葺治一新作  
興士類吟誦之聲溢於里巷纂輯郡志成書若干卷桃□  
民有田爲鄰邑所侵宣勘得實盡以還之累爲部使者□

薦舊志

王績華亭人景泰甲戌進士初授行人成化十四年知府事  
持身峻潔人不敢干以私歲大旱禱於郡北之龍門洞□  
邃莫測績引繩而下必達其處頃乃夫雨士民感□□□  
滿卒於途橐無餘資家屬不能歸官民爭賻之志□

李煜字文輝閩縣人成□□□□□初任御史以□□□□

關尊德作燕賢詩序美之紀楚

應履□□江奉化人洪武庚申進士永樂中知常德府事存  
心□□事有不便輒除之郡舊例每歲輸麥征斂甚艱履  
平以地不宜麥奏代以米郡人稱便注意學校人士蔚起  
以政績著超陞雲南布政使紀楚

□□餘姚人正統己丑進士景泰間以監察御史知府事尙  
□省刑均徭薄稅在任六年秋毫無犯民愛之如父母以  
疾終於官士民流涕送櫬者千餘人志舊

孫確東平人天順五年知府事莊介自持遇賢者忘勢禮之  
士夫翕然稱頌志舊

常德府志

卷三十四

政畧知府

□□

楊宣江西樂安人景泰甲戌進士初任吏部主事成化二年  
知府事才識明達時公署學校率皆圯廢宣葺治一新作  
興士類咸知感奮吟誦之聲溢於里巷纂輯郡志成書若  
千卷桃源民有田爲鄰邑所侵宣勘得實盡以還之累爲  
部使□推薦志舊

□績□□人景泰甲戌進士初授行人成化十四年知府事  
持身□潔人不敢干以私歲大旱禱於郡北之龍門洞幽  
邃莫測績引繩而下必達其處頃乃大雨士民感悅以考  
滿卒於途橐無餘資家屬不能歸官民爭賻之志舊通

李燁字文輝閩縣人成化壬辰進士初任御史以言事謫縣

丞宏治十四年知府事釐剔弊奸有盜牛猾賊徐某者羣盜附之屢訴於官輒以賂免李廉知按捕其黨並寘諸法盜遂屏息嘗以武陵路當衢要民力不支具疏請復原轄澧州石門慈利安鄉四州縣且密囑賚疏吏如不見允則上乞休之疏吏至京先以乞休疏上詔許之遂歸無餘資

焉

明統志

按通志別有李文輝傳事跡大同小異查舊志實一人今正之

王瑩字汝潔淮安人工詩善書宏治庚戌進士正德二年由南京戶部郎中任常德疾前守紀經綸苛婪一以清簡行之在任踰年以養親乞歸

舊志

王禾字世用宛平進士正德初知府事爲政嚴毅持大體時

常德府志

卷三十四

政畧知府

二十一

榮藩初就封屬邑不能支禾處分廩祿夫馬悉當內侍皆權要橫索或加窘辱禾曰府庫皆財欲則取之剝民以媚人吾不能也闔知不可奪而去後陞鹽運使

明統志

馮傑字秀夫涿州進士正德四年知府事聽斷明決案牘不假手胥吏體貌復魁梧衆皆懾服陞四川兵備副使爲流賊所戕以忠烈贈官祀本府名宦

舊志

陳希文字載道南海舉人正德二十一年由太常寺丞來任深以前守王雄貪酷爲戒書廉惠二字扁於後堂朝夕省覽遇旱乾及無雪竭誠求禱皆有竒應

舊志

歐陽恂江西安福人宏治壬辰進士正德十四年以南京吏

部郎中知府事性鯁介嘗欲均田平賦加意窮民以任非其人而止大水決各堤皆極力修塞省浮費民賴其利三年入覲役夫俱捐俸自僱常例一毫無取后陞鹽運使子

孫今居武陵

舊志參  
姓譜

師臯字汝明長安人宏治進士嘉靖三年以戶部郎中知府事不事苛察愛人禮士人多悅之調知荊州

舊通志

方仕字汝學固始人正德戊辰進士嘉靖五年知府事均徭平賦鄉落無胥隸跡修築城工堤工皆不以經費累民遇事善斷寓目經久不忘民之富貴人之誠僞皆洞燭無遺歲大旱步禱德山龍潭用前人以虎骨投龍井法咒曰龍

常德府志

卷三十四

政畧知府

二十二

有靈當致雨仕寧溺此無憾及饑酌給民牛種上疏乞蠲租得減十分之七設法積穀四萬八百餘石備荒賑暇則清理學校遇貧士輒周贖之去任士民垂涕遮道歷守大

郡陞鹽運使

明統  
志參

陸邶字秀卿嘉善人嘉靖丙戌進士十五年知府事清介持大體修學課士尤加意人倫獎勵孝友武陵石瑗十世同居邶奏請旌之以才優特調武昌

舊志

陳常道字子仲楊州興化人嘉靖二十六年知府事有惠政

舊志

黃日敬字持簡莆田人丙午進士嘉靖三十年知府事興修

學校清自有聲志舊

陸州字濱海海寧進士嘉靖三十八年知府事持身高潔

幹濟才時朝廷鼎建三殿湖北木運孔棘部使乘勢為奸

州調停差撥陰折其牙角屬邑賴以安堵志舊

葉朝陽字日葵秀水進士萬歷二年知府事遇事敏斷筆不

停批有劉穆之之風志舊

蕭騰鳳字岐陽晉江進士累官知府事創建治前鼓樓白鶴

池古蹟禮士愛民郡人頌其清操志舊

張師繹南直進士萬歷間知府事下車課士擇俊秀為鼎社

刊行其文一時科第名俊皆所教育時稱亮節清風如雪

常德府志

卷三十四

政畧知府

二十三

月冰壺表裏俱澈志舊

程景頤山西拔貢為府推官收稅課暨竣修城工皆不私一

錢陞同知去任百姓數萬涕泣送之立祠清泥灣復任本

府陞本道后陞撫軍卒於寶慶府苗峒聞者哀之志舊

陳之龍字去亢分宜人署府事勵節有守修學課士藻鑑獨

精釐剔奸弊無私囊橐志舊

錢夢松字長齡龍游人為郡司馬先是郡人有萬松者為龍

夕錢氏夢松至其家遂生子名曰夢松其後為時修築圍

堤親操版築悉力區畫二邑賴之立祠堤上志舊通

朱裕泌陽人宏治十三年通判本府廉介自□於□□□□

撫字以平易稱鄰土官永保構隙彌年當道委以勘斷裕峻却其賂剖析以歸陞九江府同知舊志

胡琮長洲進士初任御史以言事謫知麻城成化十五年任本府同知性剛勁遇事剖析如流清理軍政嚴而不苛值屬邑旱澇龍陽圍堤尤甚極力賑恤旋奏請免租稅十之七龍陽人立祠祝之琮自題其門云掩去無人敲暮夜開來有脚走陽春舊志

陳志明永樂八年爲郡別駕首修郡志具見史才舊志

蔡悉字士備合肥人爲王守仁再傳弟子登嘉靖三十八年進士授常德府推官築郭外六堤以免水患累官至南京

常德府志

卷三十四

政畧知府

二十四

尙寶卿

明史王畿傳

方大美桐城進士萬歷間任府推官清廉愛惠有善政舊志

智幾先萬歷間任府推官理刑無冤有于定國風奸橐斂迹

搜羅才俊郡人士興起清操特著舊志  
職官

鄔鼎龍萬歷庚戌任判事歷署桃源龍陽武陵兼署府事明

敏善斷利濟爲多舊志

朱國柱寧安人崇禎末任府同知守清政和有明月之頌獻

賊破城朝服再拜不屈死之通志

國朝通諡節愍殉節錄

周臣初知公安嘉靖七年自陳改府學教授刻意讀書寒暑不輟與諸生講論務竭其誠有所餽遺輒却不受同官者

以爲言則曰各行其志陞國子監學錄舊志

郭聳府學訓導操行清苦諸生束修擇可受者受之其貧者捐俸資給食惟蔬菜不以貧窶介意善古文門下多所陶

甄以疾卒於官士人誅之有年豐妻饑冬暖兒寒之語舊志

廖佩府學訓導性怛直優於學問詩文濡筆不起草而白工

嘗典文衡僉稱得士終雲南知府

蔣道亨崇禎末教授府學攝武陵縣事獻賊陷城抱印抗罵

死統志 國朝通諡烈愍殉節 通志字作嘉永明人

國朝

劉舜濬廣西桂林舉人順治七年以工部虞衡司郎中知府

常德府志 卷三十四 政畧知府 二十五

事郡亂後人民流離招集撫恤民甚德之龍陽人爲立生

祠操守清潔無以爲歸解組後隱武陵山中黃童白叟親

敬如父母著有竹香亭詩集舊志

胡向華字光岳兩當人由永州府同知陞任郡承明季亂後

諸皆廢墜甫下車捐建明倫堂助修武龍兩縣學置山川

社稷壇招集流徙使復業釐剔徵收人無敢爲奸已乃治

公署增修城樓及沅江堤塍禮延紳士賀竒纂輯郡志校

讐捐刊締造之功於斯爲大舊志

王許字納言號芝溪蓬溪縣舉人康熙三十九年知府事聽

斷明敏案無留牘歲早露禱逮饑奏

□□□黎龍陽大圍堤久潰詳請修築壬午多提督出□  
苗駐鎮筭郡中倉卒兵噪許夜坐臨沅門大聲呼曰□朝  
廷負若耶大帥負若耶百姓負若耶知府與民一體若欲  
蹂躪百姓知府實當辭氣慷慨亂兵悉解散事後止誅首  
禍者平時課農桑興學校周饑寒茹蘖飲冰一以民事爲  
急泣任七年解組去士民顛請督撫留之舊志  
藝文  
王葉滋江蘓上海進士雍正五年知府事郡邑連遭大水請  
帑增築武龍沅堤防先後又修花苗堤新陂橋各處宿郎堰  
古障潰不可築履勘詳請豁免額糧三百餘兩沅邑譙氏  
八世同居詳請

常德府志

卷三十四

政畧知府

二十六

旌表持身廉潔風勵特著陞辰沅道事實  
冊

黃思恭山東壽光進士乾隆八年知府事聽斷平允公退輒  
招兩庠士子講學論文兼訪郡中利病終口語不及私人  
亦不敢以私干之其時□□爲□□□加敬禮以名行  
相砥礪德山孤峯頂俯臨江水□郡中勝概公暇數遊覽  
因倡建德山書院後圯廢□□□火星池更名朗□其  
基卽思恭作守時葺亭□□□□□思之增  
孫鑿山西太原人嘉慶六年守□□□□□□□□□  
郡學宮建育嬰堂悉分□□□□□□□□□□□□  
□案壬□□彌月不□□□□□□□□□□□□□□□

卒於署貧無以斂僚屬紳士爲經理其喪始得歸里焉□  
王興禹遼東廣寧人康熙元年任府推官捐俸置義塚解糧  
西山優恤運夫有疾者施藥餌調之清介不名一錢勤訪  
民瘼慈愛並至士民建生祠迎春門外二十八年陞浙江  
按察司副使舊志

孫良貴善化進士雍正五年任郡教授工古文嚴正不阿日  
與諸生講學寒暑無間倡修明倫堂材木堅美嘉慶五年  
重修猶仍其舊云增

李葆元號荷亭江寧舉人乾隆甲午年任府教授年已七十  
餘性坦易工古文以待問自居凡經史疑義剖析源流多

常德府志

卷三十四

政畧知府

二十七

發古人未發之覆進見問難者殆無虛日羅典主講朗江  
時取所著荷亭文稿遍給諸生口講指畫深嘆服之以老  
乞休去增